

中國方志叢書·華北地方·第八一號


據民國趙祖抃修吳庚趙意空纂影印
民國六年刊本

山西省

鄉寧縣志

(一)

成文出版社印行




中國方志叢書·華北地方·第八一號

據
民國趙祖朴修吳庚趙意空纂
國六
年
刊
本
影印

山 西 省

鄉寧縣志
(二)



成文出版社印行



10107683

中華民國五十七年八月臺一版

鄉寧縣志

全二冊

定價：新台幣六四〇元正

發行人：黃成助

臺北郵政信箱二二六〇五號

出版者：成文出版社

臺北郵政信箱二二六〇五號
電話：九二二〇一〇號

印刷者：正大印製廠

三重市長生街二號之一

內政部登記證內版臺業字第一一四七號

版權所有

鼎鑊

毒孽

大戴禮記卷之四

序一

戰國時滕以區區五十里介於兩大旦夕危亡子輿氏教以井田學校世祿之制時人目爲迂達而濶於事情嗚呼世亂如戰國國小如滕雖有管晏之才孫吳之智富國強兵之奇策弗能救也無寧爲此以待後王之取法此子輿氏之苦心也今我國禍患之來甚於戰國鄉鄰之讎陋禍小甚於滕連年慘遭陝寇蹂躪官民俱不聊生甚於齊楚不佞於軍書旁午千危萬險之中慨然有修志之舉其始也人皆以爲不急之務途商之於空山人山然之又商之於意空道人道人雖然之而若不勝其躊躇者蓋吾三

人之心皆子與氏之心也而道人之審慎遲迴者則以時局艱連朝不保夕山人又多病茲事體大慮有初鮮終也不佞乃集邑紳而議之曰鄉寧縣志失修百餘年文獻典章悉墜於地今擬修之凡興一事患無聘無人無財今值改革之後無所忌諱直筆實錄俾成信史千載一時弗可失也山人道人皆具史才不煩幣聘不待外求交臂失之良可惜也所慮者無財耳五區區長各分局局長能任之乎僉曰善同心并力集資三千餘緡不佞以羣情之踴躍也決意爲之山人以桑梓攸關義不容辭也力疾爲之山人沒陝寇至道人所料者驗矣而道人以山人之手訂志

例繁費苦心也雖經奇險流離破家不得不獨力任之半載而稿脫又半載而鐫就有志竟成始願所不及也而吾感慨係之矣三代禮樂美備無過於周而孔子於夏殷之禮猶惓惓於杞宋豈非以一代之制古之人精意存焉考其制度可以驗其盛衰天下健者能革之於一時而不可泯之於千載也鄒寧舊志清乾隆時葛公清所修萬曆焦公守己志康熙張公聯寶志其書並佚後來者踵事增華則有餘博稽往迹則不足何則忌諱多則實錄少詳今略古亦修志之通病也今則不然寧繁毋簡寧增毋削寧詳於古毋偏於今覈實補缺綱舉目張較之舊志差爲詳備

太史公曰詩書隱約者欲遂其志之周也大抵聖賢發憤之所作爲也嗚呼禮失求野學在四夷世有秉董狐之筆繼龍門之作者則此書或亦壤土消流之一助乎是爲序
中華民國六年冬月浙東趙祖朴

序二

予交空山人蓋昉自光緒癸卯歲同官關中時也關中牧令以科目出身者千百輩而大僚課吏每榜發山人輒冠其曹大僚異之同官異之適與予共一府至共掌文牘詢其籍則鄉寧詢鄉寧風土山川則與陝北濱河諸邑相似詢其所學則楊秋澗先生其師也無何山人率臨潼四載予爲常調官頻年東馳西走國事日棘相戒引去庚戌冬山人辭官返里予宰韓城與鄉寧一河隔次年九月變作屢瀕於死山人招予奉母渡河避居其家予兩人變前名共負戴於世事絕不聞問而形影不離者七年予嘗向山

人索閱鄉盜邑乘山人輒顰蹙亂以他語至再至三乃出
書四冊示予曰此乾隆時舊志也雖體例不精猶有可觀
爰出二冊曰此光緒辛巳續志也爲世詬病久矣予曰吾
聞山西通志及燕晉十餘邑方志皆秋湄主筆何獨闕於
桑梓之鄉曰此官斯土者之咎秋湄如之何哉予又曰設
有賢宰官於此以此事屬子何如曰是吾志也朝成書而
夕死可也乙卯歲屠侯蘭陔輯秋湄遺集山人喜過望繼
屠侯者諸暨趙侯滄波甫下車卽以邑乘爲憂丙辰歲賊
掠官府旱傷農田不果議今年春始定議而山人病矣於
是集資開局紳民踴躍將事山人力疾起草若凡例若職

官貢舉仕宦戶口各譜小序學制風土兩記皆出其手未
兩月疾革謂予曰吾病恐不起吾死子其成之予以人與
地不習辭山人曰毋旣卒未一月而陝寇大至予家蕩然
趙侯危險尤甚自後風聲鶴唳一夕數驚邦人救死不贍
更無議及此者而予流離顛沛筆翰弗彀或勸曰惠旣死
莊子寢說子曷少安乎予泫然曰始諾之中輟之冥冥之
中負此良友予不忍也於是撤局省費攜稿至家繼晷焚
膏汲汲顧景抄撮簿記原無當於著述而以驚懼倥偬之
際運細鍼密縷之思遺漏麤疏自知不免矣前後歷旬十
五爲書十六卷本通志仍舊志者半案曠所增採訪所及

補苴未備者半夫纂修方志太平盛事也其文尙吉祥其辭工諛頌其留遺後世之念不敵其今示當時之念而今悉反之境不同耶時不同耶抑自予視之不同耶旣不同矣何必爲之鳴乎世變至於今日實亙古所未有昔人於革故鼎新之際往往難已於言故明夷有待訪之書本穴有鐵封之史其事其人非予敢跂所跂者剝極而復亂極而治後有賢者繼起而續纂之易哀怨之變風爲吉祥之文字則庶乎有太平之一日矣歲在丁巳八月中泮黔南趙意空

鄉寧縣志

纂修姓氏

主修

七等嘉禾章第三屆保免試驗籤分山西任用鄉寧縣知事趙祖抃

浙江諸暨縣人

纂修

清賜同進士出身原任陝西臨潼縣知縣吳

庚

本邑人改號空山人

清陝西漢陰廳通判癸卯科副貢趙意空

原名坊年嘉慶人本籍江蘇

總理紳士

清分省試用府經

厯龐

洞

本邑人下同

清

己

酉

科

拔

貢王世元

東洋大學師範畢業清廩生閻應台

採訪紳士

二等教育獎章清翰林院孔目丁酉科拔貢閻永清

河東警察傳習所畢業清廩生高拱辰

清 已 酉 科 拔貢楊泉林

清生 員甯德祿

清都 生陳席珍

校對兼督刊

清 五 品 衛 廩 生陳瑞

清生 員王達衡

清生

員張鵬程

清生

員鄭燾

清生

員趙登壇

參閱

清

按

察

司

經

歷楊騭

陸軍弁目學校畢業生陸軍步隊三營隊官王錫元

清生

員楊蔭壇

清

試

用

從

九

品成金榜

繕寫

清生

生張國俊

布

繪圖

清

生

員王永治

衣趙世祿